

西米香隨筆

第一函
五十一冊

栗香隨筆卷三

江陰 金武祥 澧生

何鏡海觀察

應祺

善化人文詞卓犖才氣縱橫遇盤

錯事皆立辦無所依阿各督撫皆嚴憚而倚任之余
客西江觀察署贛南道統江軍水師一見卽相契後
觀察改官粵東權高廉道聞余至廣州卽詩函往來
以近作寄示及卸篆旋省倒屣投轄過從益密旋以
暴疾卒未竟其用論者惜之有守默齋集詩一卷文

三卷雜詠云水輪軋碾天無痕銀河流雲如有聲何
人手持白鸞尾繁星淨掃餘空青寒露如珠拾不起
桐風吹作花間雨玉枕銀屏夜不眠心逐爐烟分萬
縷馬頭殘月馬蹄霜今夜佳人怯洞房咎陳對山云
故人千里至投我數篇詩憶別干戈地重逢風雪時
寒蟬思咽急倦鳥欲飛遲莫聽江城笛秋涼入鬢絲
南昌雜感云沙寒水白繞重城落木蕭蕭望眼明萬
里關河將盡歲十年笳鼓乍休兵山連吳楚開雄鎮

水併江湖混太清此地卽非天下險東南財賦要經
營酬李筓仙云倚馬侈萬言不能了一事所以諸葛
公讀書觀大意遣興云長空共明月橫琴坐脩竹古
調聊復彈衆樂不如獨呈曾侍郎云小范胸中兵百
萬平原門下客三千贈陳槐庭云涕淚徒爲萬言策
嘯歌長抱百年哀書憤云每思聖代無苛政未必匡
時乏偉人題馮老良覺園云清風明月開三徑山色
湖光聚一樓呈湘鄉相國云殘寇支離猶健鬪王師

擣伐久忘勞元老精誠懸日月君王神武馭英雄皆
雄健精悍詩如其人

文樹臣觀察題守默齋集七律云茫茫今古無窮感
落落乾坤有數才萬里風雲宗懋志百年戎馬杜陵
哀相逢海內誰同調共話生平快舉杯豈爲求官來
嶺表韓蘇面目要重開觀察名星瑞萍鄉人甲辰舉
人先隨其尊公宦粵東尊公殉嘉州之難以同知仕
粵署羅定州擢道員署高廉道被議罷官余與識于

鏡海觀察座中卽出贈其嘯劒山房詩鈔道勁豪邁
殆如北江詩話所云劒氣多而珠光少也集中白雲
謠陽朔看山歌縱橫排宕詠史之作尤多不能備錄
廣州雜感云衡嶽南來盡粵東偏隅形勢此稱雄一
條水走江河外萬疊山青霧雨中城堞蒼涼餘霸氣
亭臺雕繪有夷風五更日浴扶胥口照見扶桑海外
紅第四首云攬衣閒上越王臺大長蠻夷亦壯哉絕
域河山稱帝易暮年歌舞抱孫來故宮秋冷迷黃葉

古井烟深鎖綠苔西望長安更惆悵漢家陵闕半蒿萊
又陸賈歸時携翠鳥虞翻死後有青蠅冷烟青草
楊孚宅落日紅棉洗太營人多猛悍輕官法俗尙豪
華是禍基驅使嶺南故實皆沈著高華不同凡響

戊寅夏日家元直太史

星桂更
名壽松

來粵數月勾留題識

拙稿多溢美語復見惠詩云一笑相逢拾翠洲高懷
端擬挹浮邛得朋果筮西南吉不負斯游是雅游誦
芬述德免沉淪詩社文壇有替人若使論功表家乘

合將興繼比宗臣蓋余曾以先集奉贈也已卯余以
引覲入都復應京兆試不售太史尤爲扼腕嶺南冀
北離合不常當日談讌之歡猶覺思之不置耳

仁和蔡緯卿大令

綸書

英敏豁達有幹濟才余兩游

潮郡時大令權釐汕頭承贈五古四章其末章自述

有云上官垂青目謂我廉吏兒稅登合甫融

合甫融即阿芙

蓉見南埜

草堂筆記檄我完度支金錢權百萬漏卮嚴毫釐

自捧

檄以來洋藥釐已收至百餘萬

豈效桑孔術竭吾民膏脂緣此毒人

物禁則受彼欺惟期十倍征使貴如鼎彝富者乃得
嘗貧者苦無資不禁而自禁是爲妙轉移近左侯相
果有加徵洋藥稅釐之奏卽此意也庚辰孟秋卒於
羊城年甫逾強仕余輓以聯云夜雨話巴山落落知
交心醉屢從公瑾飲秋風吹大海茫茫天道時艱同
惜賈生才

緯卿出贈其曾祖嵩霞方伯家訓及其祖父小霞制
軍涼州賸草五古云青山不待招開軒入我屋七古

題移居圖云寸田尺宅不治生又借丹青闢堂廡題
姜廉使冬夜課孫圖云遺子簞金更何有不知子復
遺孫否阿翁破笥出蟲魚奕葉縱橫常不朽五律喜
靜岩少寇暫留云別情濃似酒詩味淡如秋題福觀
察青海從戎圖云河湟臨遠塞風雪近殘年七律寄
內云負卿別後花盈座遲我歸來月滿軒寄吳藥房
教授云幽吟只合酬黃菊豪飲無妨醉碧醪卿又
贈其尊公磨洲廉訪瑤華仙館試帖蓋古近體經發

不存僅留試帖一卷皆少年與館閣諸公分題賦詠
者咀華含英無美不備摘錄二首以當一嚮之嘗李
都尉重陽日得蘇屬國書云又是重陽候邊城悵索
居三秋降將淚萬里故人書漢節凋都盡胡笳慘不
舒歸心隨一雁搔首對雙魚記得看羊日悲深牧馬
餘插萸同感惻折柳重欷歔冠劍年非昔刀環夢已
虛涼宵還作答風雨滿穹廬國于蝸之角云莫謂羸
其角蘧廬且結蝸我疆原有截此國異無懷布指圍

能徧鉤心鬪欲偕篆難飛檄蝕涎帶戰塵揩地儼鷺
叢闢圖還蟻陣排援軍誰擣鹿按部待鳴蛙樂豈盤
中適觀應壁上皆宸垣鰲極建干舞頌堯階緯
卿自著有天風環珮室詩稿其哲嗣當能刊行之

錢塘陳子厚太守

坤

惴惴無華老於吏事所著有粵

東防勦紀略鱷渚迴瀾記治潮芻言蓋居粵最久言
粵事最詳其羊城竹枝詞徵引繁博有關勸懲又有
如不及齋詩鈔抵官沙瑯云要知醅樸處端賴長官

清北行道中有感云忍把金錢爭買笑飢寒多少路
旁人可想其性情之敦厚矣

子厚有小像手持酒杯其配碧纓內史冒夫人題詩
云三十年來海上行風濤隨處片帆輕琴心劍膽俱
無用不及酖醢老此生縱然投筆志難酬博得虛名
作醉侯春滿陌頭看柳色登樓無悔亦無愁其次女
靜漪適王氏能詩早卒有寒碧軒詩存

策安太守名貴全蒙古蘇穆察氏丁卯舉人由京秩

改官於外需次粵東居訶林之前房櫳雅潔有花木
之勝工繪事兼能詩登漱珠橋醉月樓贈主人云不
是仙人也好樓漱珠橋畔小勾留牕臨碧海供遐矚
門對青山可臥游四壁笙簫花似錦一簾風露月如
秋幽居到此真清福頃刻銷除萬斛愁嘗繪荷亭銷
夏圖徵詩余題云荷花世界柳絲鄉用成句城市園林
趣更長著個扁舟小子葉朝朝划到水中央水雲深
處畫圖開雅集何嫌數舉杯我與閒鷗同不速可容

日日看花來

江南庚午科首題周公謂魯公曰一節子塲作側重
親親思以偏師勝薦而未售房考張晴江先生

清華

謂予曰主司因究係偏鋒未便多取已先得此格一卷置前列矣卽第十四名陳君兆熙也號耘菴本金陵名下士後以知縣發廣東余續編金氏文賸皆乞君校正之又爲題拙著試帖詩有云傳家有絕學貽謀遠且臧譬之水成淵自有蛟龍藏又云旣工五七

言試律尤兼長爛如五雜組柔如百鍊剛精思入微
妙餘韻仍悠揚唐賢重斯體沈宋相頡頏耘蔡古文
駢體皆工制藝特其餘事也

余以所居大岸因自號一斥山人蓋拆大岸二字爲
四字也後知仁和繆蓮仙良亦有此號惟斥作厶斥

與厶本均同岸蓮仙作記取義於一並引說文釋厶
字云山石之厶巖人可居其所輯文章游戲中卽載
此篇梁晉竹兩般秋雨庵稱其下第詩云妻子望他

龍虎日功名于我馬牛風句極工趣

昌黎詩云婆娑海水南簾弄明月珠故余游粵後題
齋額曰弄珠吟館會城之南有海珠石相傳賈胡持
摩尼珠至此珠飛入水夜輒有光怪故海曰珠海江
曰珠江浦曰沈珠其石則曰海珠云嶺南在古時凡
生男子多命曰珠兒生女多曰珠娘珠娘之可知者
交趾王之女曰媚珠雙角山之女曰綠珠是也屈翁
山云珠者粵之精華月之所生日之所養以爲士女